



Մ Ա Յ Ր Ա Թ Ո Ռ Ո Ւ Մ

Հունվարի 13-ին, չորեքշաբթի, «Տօն ա-
նուանակոչութեան Տեառն մերոյ Յիսուսի
Քրիստոսի»: Մայր Տաճարում պատարագեց
և քարոզեց Հոգեշնորհ Տ. Խորեն վարդապետ
Էլշուշյանը՝ «Հոյս ի լուսոյ, ի Հօրէ առաքե-
ցար» բնաբանով:

Հունվարի 14-ին, հինգշաբթի, «Տօն ծննդե-
ան Յովնանու Կարապետին»: Մայր Տա-
ճարում, Ս. Հովհաննես Մկրտչի սեղանի վրա,
պատարագեց արժանապատիւ Տ. Մկրտիչ ա-
վագ քահանա Մկրտչյանը:

Հունվարի 17-ին, կիրակի, Մայր Տաճարում
պատարագեց Հոգեշնորհ Տ. Մուշեղ վարդա-
պետ Պետիկյանը:

Հունվարի 24-ին, կիրակի, Մայր Տաճա-
րում պատարագեց Հոգեշնորհ Տ. Մեսրոպ
վարդապետ Պալյանը և քարոզեց՝ «Զի ոչ
առաքեաց Աստուած զՈրդի իւր յաշխարհ թէ
դատեսցի զաշխարհ, այլ զի փրկեսցի աշ-
խարհ նովա» բնաբանով:

Հունվարի 31-ին, կիրակի, Մայր Տաճա-
րում պատարագեց Հոգեշնորհ Տ. Նարեկ
վարդապետ Շաքարյանը:

Փետրվարի 7-ին, կիրակի, Մայր Տաճա-
րում իր անդրանիկ պատարագը մատուցեց
Հոգեշնորհ Տ. Ոսկան արեղա Գալփաքյանը
և քարոզեց՝ «Եթէ ոք կամի զկնի իմ գալ,
ուրացի զանձն և առցէ զխաչ իւր և եկեսցէ
զկնի իմ: Զի որ կամիցի զանձն իւր կեցուցա-
նել՝ կորուսցէ զնա. և որ կորուսցէ զանձն իւր
վասն իմ՝ գտցէ զնա» բնաբանով:

Փետրվարի 14-ին, կիրակի, «Տեառնընդա-
ռաջ»: Մայր Տաճարում պատարագեց Հոգե-
շնորհ Տ. Մեսրոպ վարդապետ Պալյանը և
քարոզեց՝ «Այսօր ի Տաճարն եկիր Փրկիչ, և
ծերունւոյն ի գիրկս բնկալեալ ասէր. Արդ ար-
ձակես զծառայս քո Տէր» շարականի խոս-
քերը վերցնելով որպես բնաբան:

Փետրվարի 21-ին, կիրակի, Մայր Տաճա-
րում, իր անդրանիկ պատարագը մատուցեց
Հոգեշնորհ Տ. Զարեհ արեղա Պարոնյանը և
քարոզեց՝ «Եկայք շինեսցուք սուրբ զխորանն
լուսոյ» բնաբանով:

Փետրվարի 25-ին, հինգշաբթի, «Տօն վար-
դանաց զօրավարացն մերոց»: Մայր Տաճա-
րում, ազգային-եկեղեցական մեծ տոնի առ-
թիւ, պատարագեց և քարոզեց Մայր Տաճա-
րի լուսարարապետ գերաշնորհ Տ. Ասողիկ
Եպիսկոպոս Ղազարյանը՝ «Մահ ոչ իմացեալ
մահ է, մահ իմացեալ՝ անմահութիւն» բնա-
բանով:

Հավարտ սուրբ պատարագի, Իջման Ս. Սե-
ղանի առաջ, տեղի ունեցավ հայրապետական
մաղթանք:

Ժամը 2-ին, Հոգեւոր Ճեմարանում, վեհա-
փառ Հայրապետի բարձր նախագահությամբ,
տեղի ունեցավ գեղարվեստական ցերեկույթ՝
նվիրված վարդանանց հերոսամարտի հիշա-
տակին: Գործադրութեան զրվեց օրվա խոր-
հուրդը նշող գեղարվեստական հայտագիր,
բաղկացած մեներգերից, խմբերգերից և ար-
տասանութիւններից:

Օրվա գլխավոր բանախոսն էր Հոգեւոր Ճե-
մարանի հայ ժողովրդի պատմութեան դասա-
խոս պր. Գրիգոր Գյուլյանը, որը գեղեցկորեն

վեր հանեց վարդանանց տունի խորհուրդը և նշանակությունը:

Հանդիսությունը փակվեց Վեհափառ Հայրապետի պատգամով և օրհնությամբ:

Փետրվարի 28-ին, կիրակի («Բուն բարեկենդան»), Մայր Տաճարում պատարագեց հոգեշնորհ Տ. Գևորգ արեղա Սերայդարյանը: Քարոզեց հոգեշնորհ Տ. Խորեն վարդապետ էլշուջյանը՝ «Որ ոչ կամիս զմահ մեղաւորին, այլ զդաւնալն նորա ի շար ճանապարհէն և զկեանք» բնաբանով:

Մարտի 7-ին, կիրակի («Առաքման»), Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը: Քարոզեց հոգեշնորհ Տ. Գևորգ արեղա Սերայդարյանը՝ «Որ զօրէնս սրբութեան պահոց նախ ի դրախտին աւանդեցեր» բնաբանով:

Մարտի 14-ին, կիրակի («Անառակի»), Մայր Տաճարում պատարագեց արժանապատիվ Տ. Հովհաննես քահանա Մարությանը: Քարոզեց հոգեշնորհ Տ. Նարեկ վարդապետ Շաքարյանը՝ «Կերիցուք և ուրախ լիցուք, զի այս օրդի իմ մեռեալ էր և եկեաց, կորուսեալ էր և գտաւ» բնաբանով:

Մարտի 20-ին, շաբաթ, երեկոյան ժամը 8-ին, Վեհափառ Հայրապետը Իր վերջին ուղևորութեան մասին խոսեց Հոգևոր Ճեմարանի սաներին ու միաբաններին և ունկնդրվեց մեծ ուշադրությամբ:

Մարտի 21-ին, կիրակի («Տնտեսին»), Մայր Տաճարում պատարագեց արժանապատիվ Տ. Հակոբ քահանա Հակոբյանը: Քարոզեց Վեհափառ Հայրապետը՝ «Տո՛ւր զհամար տնտեսութեան քո» բնաբանով:

Մարտի 28-ին, կիրակի («Դատաւորին»), Մայր Տաճարում պատարագեց հոգեշնորհ Տ. Արսեն վարդապետ Բերբերյանը: Քարոզեց գերաշնորհ Տ. Ասողիկ եպիսկոպոս Ղազարյանը՝ «Էջ սա արդարացեալ ի տուն իւր քան զնա» բնաբանով:

Ապրիլի 3-ին, շաբաթ, «Տօն է Սրբոյն Դրիգորի Լուսաւորչին մերոյ սոսկալի շարժաւանցն և մտիցն ի Վիրապն»:

Մայր Տաճարում պատարագեց հոգեշնորհ Տ. Խորեն վարդապետ էլշուջյանը:

Սուրբ պատարագի ընթացքում, գերաշնորհ Տ. Ասողիկ եպիսկոպոս Ղազարյանը սարկավագ ձեռնադրեց Հոգևոր Ճեմարանի երկրորդ լսարանի ուսանողներ Գրիգոր Բունիաթյանին և Եղիշե Բաղդամյանին: Սրբազան հայրը, ձեռնադրությունից հետո, խրատական խոսեց «Ուխտս դիք և կատարեցէք» բնաբանով:

Պատարագից հետո, նորընծա սարկավագները ներկայացան Վեհափառ Հայրապետին՝ ստանալու Նրա հայրական օրհնությունը:

Ընդհանրակ եղիշե սարկավագ Բաղդամյանը ծնվել է 1944 թվականին Իրանի Թավրիզ քաղաքում, Հոգևոր Ճեմարան է ընդունվել 1959 թվականին:

Ընդհանրակ Գրիգոր սարկավագ Բունիաթյանը ծնվել է 1946 թվականին էջմիածնում, Հոգևոր Ճեմարան է ընդունվել 1960 թվականին:

Ապրիլի 4-ին, կիրակի («Գալստեան»), Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը, իսկ քարոզեց հոգեշնորհ Տ. Ոսկան արեղա Գալիաթյանը՝ «Եւ երթիցեն նոքա ի տանջանսն յաւիտենականս, և արդարքն՝ ի կեանսն յաւիտենականս» բնաբանով:

Ապրիլի 7-ին, չորեքշաբթի, «Աւետումն Ա. Աստուածածնի», Մայր Տաճարում պատարագեց արժանապատիվ Տ. Հակոբ քահանա Հակոբյանը:

Մայիսի 5-ին, չորեքշաբթի, Մայր Աթոռից հրաժեշտ առնելով մեկնեցին հոգեշնորհ Տ. Տարոն վարդապետ Ճերեճյանը, Արշամ Ճիզմեճյանը, Վահագն Կարապետյանը (Փարիզ), Գաբրիել սարկավագ Լուսարարյանը (Մարտի) և Հայաստան Վարդանյանը (Լոնդոն), որոնք Վեհափառ Հայրապետի կողմից հրավիրվել էին Մայր Աթոռ և Մայր Հայրենիք:

Մայիսի 9-ին, կիրակի, Մայր Տաճարում պատարագեց և քարոզեց հոգեշնորհ Տ. Ոսկան արեղա Գալիաթյանը՝ «Եւ զաղաղութիւն թողում ձեզ, զխաղաղութիւն զիմ տամ ձեզ» բնաբանով:

Սուրբ պատարագին ներկա էր Վեհափառ Հայրապետը:

**

Մայիսի 16-ին, կիրակի, «Տօն է երեման (Մրդոյ խաչին)»:

Մայր Տաճարում պատարագեց հոգեշնորհ Ս. Մուշեղ վարդապետ Պետրիկյանը:

Սուրբ պատարագին ներկա էր Վեհափառ Հայրապետը:

**

Մայիսի 17-ին, երկուշաբթի, Հոգևոր Ճեմարանի դասախոսական կազմը և ուսանող ուսուցիչները ուխտի գնացին Ս. Գեղարդի վանքը:

**

Մայիսի 17-ին, երկուշաբթի, Բեյրութ մեկնեց Ս. Սևակն արեղա Գալփաբյանը:

**

Մայիսի 23-ին, կիրակի, Մայր Տաճարում պատարագեց հոգեշնորհ Ս. Արսեն վարդապետ Բերբերյանը:

Սուրբ պատարագին ներկա էր Վեհափառ Հայրապետը:

**

Մայիսի 24-ին, երկուշաբթի, Հոգևոր Ճեմարանում սկսվեցին 1964—1965 ուսումնական տարվա ամսվերջի քննությունները, որոնք տեղի ունեցան մինչև հունիսի 5-ը: Առաջին օրը, քննությունների հանդիսավոր բացմանը ներկա եղավ Վեհափառ Հայրապետը, շրջապատված Մայր Աթոռի և Գերագույն Հոգեվոր խորհրդի անդամներով: Նույն օրը, երկրորդ լսարանի ուսանողները փայլուն հաջողությամբ քննություն հանձնեցին Վեհափառ Հայրապետի տրամաբանություն առարկայից:

**

Մայիսի 27-ին, հինգշաբթի, «Համբարձում»:

Մայր Տաճարում պատարագեց և քարոզեց հոգեշնորհ Ս. Նարեկ վարդապետ Շաքարյանը՝ «Տէր, ո՞վ կացցէ ի խորանի քում կամ ո՞վ ելցէ ի լեռն սուրբ քո» բնաբանով:

Հավարտ սուրբ պատարագի, կատարվեց հայրապետական մաղթանք՝ Աթոռի Սահի Ս. Էջմիածին փոխադրության տարեդարձի առթիվ:

**

Մայիսի 30-ին, կիրակի, Մայր Տաճարում պատարագեց և քարոզեց արժանապատիվ Ս. Գուրգեն քահանա Գուտուկյանը (Կալիֆոռնիայից, ԱՄՆ), որն ուխտի էր եկել Ս. Էջմիածին:

Սուրբ պատարագին ներկա էր Վեհափառ Հայրապետը:

**

Հունիսի 5-ին, շաբաթ, առավոտյան ժամը 12-ին, Հոգևոր Ճեմարանում տեղի ունեցավ ամսվերջի հանդիսություն, գերաշնորհ Ս. Սահակ արքեպիսկոպոս Տեր-Հովհաննիսյանի նախագահությամբ:

Հոգևոր Ճեմարանի ավագ վերակացու արժանապատիվ Ս. Հովհաննես քահանա Մարությանը ներկայացրեց Հոգևոր Ճեմարանի 1964—1965 թվականների ուսումնական տարեշրջանի ընդհանուր ղեկուցագիրը: Ճեմարանի երգչախումբը, ղեկավարությամբ երաժշտության դասատու խորեն Հակոբյանի, կատարեց Կոմիտասյան և Նվարդյան հետևյալ խմբերգերը. «Առավոտուն բարի լուս», «Հարսին երգը», «Առնեմ երթամ», «Հարսանեկան երգեր» և «Զեյթունցիներ»:

Նախագահող սրբազանը նվերներ հանձնեց ուսման գերազանցիկներին:

Ամսվերջի հանդիսությունը վերջացավ Ճեմարանի քայլերգով, սրբազան հոր խրատականով և «Պահպանիչ»-ով:

**

Հունիսի 5-ին, շաբաթ, երեկոյան ժամը 5-ին, Մայր Աթոռ Ս. Էջմիածին ժամանեցին Վատիկանի քրիստոնեական միության բարատուգարության բարտուղար Ս. Հովհաննես Կալիսկոպոս Վիլբերանդը և հոգեշնորհ Ս. Դյուրեմ վարդապետը, ընկերակցությամբ Մոսկվայի Ռուսաց Պատրիարքարանի ներկայացուցիչներին:

Նրանք օգանավակայանում, հանուն Ամենայն Հայոց Վեհափառ Հայրապետի, հարգելի հյուրերին դիմավորեցին Ս. Վահան Կալիսկոպոս Տերյանը, Ս. Մուշեղ վարդապետ Պետրիկյանը և ղեկնապետ Հայկ Առաքելյանը:

Մայր Տաճարում իրենց ուխտը և աղոթքը կատարելուց հետո, հարգարժան հյուրերը ընդունվեցին Վեհարանում Վեհափառ Հայրապետի կողմից: Այնուհետև տեղի ունեցավ ջերմ զրույց Ս. Ս. Վազգեն Ա Ամենայն Հայոց Կաթողիկոսի և Վատիկանի ներկայացուցիչների միջև:

**

Հունիսի 6-ին, կիրակի, Մայր Տաճարում հանդիսավոր սուրբ պատարագ մատուցեց Բաբվի թեմի առաջնորդ գերաշնորհ Ս. Հուսիկ Եպիսկոպոս Սանթրոյանը:

Սուրբ պատարագին ներկա էին Վեհափառ Հայրապետը, Հովհաննես Եպիսկոպոս Վիլբե-

բրանդը, Հայր Դյուբեն և նրանց ուղեկցող՝
Լուսաց Պատրիարքարանի ներկայացուցիչ-
ները:

Հավարտ սուրբ պատարագի, Ամենայն
Հայոց Վեհափառ Հայրապետը մասնավոր
տեսակցութիւն ունեցավ Վատիկանի քրիս-
տոնեական միութեան քարտուղարութեան
ներկայացուցիչների հետ:

Ժամը 3-ին, հյուրերի պատվին տրվեց
ճաշկերույթ:

Ժամը 4-ին հյուրերը հրաժեշտ ափին Ամե-
նայն Հայոց Վեհափառ Հայրապետից և ամսի
7-ին մեկնեցին:

Հյուրերը այցելեցին նաև Երևանի եկեղե-
ցիները, Ս. Հռիփսիմեի, Ս. Գայանեի, Ս. Գե-
ղարդի վանքերը և Զվարթնոցի ավերակները:

Հունիսի 6-ին կիրակի, երեկոյան ժամը
5,30-ին, Վեհափառ Հայրապետը, Բուդա-
բիայի Ամենապատիւ Ս. Կիրիլ և Ռումինիա-
յի Ամենապատիւ Ս. Հուստինիան պատրի-
արքաների, ինչպես նաև Բուդաբիայի և Ռու-
մինիայի հայերի թեմական խորհուրդների
հրավերներով, հովվապետական այցելու-
թեան մեկնեց Բուդաբիա և Ռումինիա:

Վեհափառ Հայրապետին ճանապարհեցին
Մայր Աթոռի միաբանութիւնը, Գերագույն
Հոգևոր Խորհրդի անդամները և Երևանի հո-
գևորականութիւնը: Նորին Ս. Օծութեան ճա-
նապարհեց նաև Հայկական ՍՍՌ Մինիստր-

ների սովետին առնթրել Հայ եկեղեցու Գոր-
ծերի Խորհրդի նախագահի տեղակալ Ս. Հով-
հաննիսյանը:

Սույն ուղևորութեան ժամանակ Վեհափառ
Հայրապետին ընկերակցում են Ս. Հուսիկ
եպիսկոպոս Սանթրոյանը և Ս. Գևորգ վար-
դապետ Սերայդարյանը:

Հունիսի 13-ին, կիրակի, Մայր Տաճարում
պատարագեց հոգեշնորհ Ս. Մուշեղ վարդա-
պետ Պետիկյանը:

Հունիսի 14-ին, երկուշաբթի, «Տօն է սրբոց
կուսանացն Հռիփսիմեանց»: Ս. Հռիփսիմեի
Տաճարում պատարագեց և քարոզեց հոգե-
շնորհ Ս. Արսեն վարդապետ Բերբերյանը՝
«Հռիփսիմէ մեծ խորհուրդ և անուն ցանկա-
լի» բնաբանով:

Հունիսի 15-ին, երեքշաբթի, «Տօն է սրբոց
կուսանացն Գայիանեանց»: Տոնի առթիւ
Մայր Տաճարում պատարագեց արժանապա-
տիւ Ս. Մկրտիչ ավագ քահանա Մկրտչյանը:

Հունիսի 17-ին, հինգշաբթի, Ս. Շողակաթի
տաճարի տոնի առթիւ, համանուն եկեղեցում
պատարագեց արժանապատիւ Ս. Հակոբ
քահանա Հակոբյանը:

